

da; Unum, quod supra nos est, Deus, alterum, quod nos ipsi sumus, tertium quod iuxta nos est, proximus, quartum quod infra nos est, id est corpus. Haftenus August. Quot verò partes amor nostri in se comprehendat, elegantissimè verbis *Danhaweri* ostendit honorificè supra citatus *Masius* l. c. p. 329, 330. Qua itaq; ratione cum amore Dei intensissimo hæc stare possunt, similiter quoq; honesta ex rebus mundanis recreatio cum eodem stare poterit.

QVÆSTIO SECUNDA.

Nunc secundo loco quærimus: *An choreæ hominum, sexus ceteri, manus mutuò connectentium, quales in Germania, vicinisq; Regionibus duci solent, etiam in numero horum Adiphororum referri possint, prouti eadem in Sectione Priori descripsimus; Et per consequens: An ab homine Christiano salvâ conscientia exerceri possint?*

§. 1. Meritò affirmando respondemus, & quidem moti sequentibus argumentis. Notamus statim in principio, quod earum usus in sacris literis neq; expressè neque per bonam consequentiam sit mandatus vel prohibitus. Nec obstat, quòd excipiant Novatores, qui non erubescunt argumentis uti Calvinianorum, quando contrariū probare allaborant ex dicto Rom. XIII. 13. dicendo quod per vocem κῶμα saltationes prohibeantur. Vid: Tractatus, da die zu Langen Salza gedruckte Schrift wiederleget wird / parte I. pag. 6. Sed respondeat illis Magnus noster *Danhauerus*, Theologus de Ecclesia nostra meritissimus in *Hodomoria Spiritus Calviniani* p. 1297. & 98. κῶμα quid sit Apostolo, exponit *Voss. de Idol. L. 2. cap. 8. pag. 345.*, quod à *Chamos*, (non à κῶμα sive κῶμα ut putarunt) *Græcia Deus sit conviviorum, non modestorum, sed ubi lascivia foret, ac protervia, conjuncta.* Quælia plurimum sunt amatorum ac Juvenum, multa qui petulanter ac nequiter agunt, ubi in caluerint vino, indeq; κῶμαζεν Et hinc Latinum comessari, non à comedendo, cum princeps syllaba sit porrecta; notum autem hoc Comici: *Sine Cerere & Libero friget Venus.* Notum illud item Poëta *Sulmonensis*: *Et Venus in vino, & ignis in igne furit.* Sic igitur à commessatione devenitur ad ψηφάλημα sive palpationem illam & contrectationem Veneræ m.